

Ажлын байранд тавигдах шаардлага

-Ажлын байранд тухайн ажилбарыг гүйцэтгэхэд зайлшгүй шаардлагатай хөдөлмөр хамгаалал, аюулгүй ажиллагааны шаардлагын дагуу гаргасан ажиллах талбай, гэрэлтүүлэг, дулаацуулга, агааржуулалт, дуу чимээ, тоосжилт, чийгшил хэвийн хэмжээнд байна.

- Хөдөлмөр хамгаалал, аюулгүй ажиллагааны болон галын аюулгүйн анхааруулах тэмдэг, санамжийг тавьсан байна.

Авто үйлчилгээний байгууллагын хүний нөөцөд тавих нийтлэг шаардлага

- Авто үйлчилгээний байгууллагын захирал менежер нарын аль нэг нь Автотээврийн дээд боловсролтой, эрхэлсэн ажлынхаа чиглэлээр мэргэшүүлэх сургалтад хамрагдсан байна.

- Засвар, үйлчилгээ хариуцсан инженер нь автотээврийн механик-инженерийн мэргэжилтэй, эрхэлсэн ажлынхаа чиглэлээр мэргэшүүлэх сургалтад хамрагдсан, автотээврийн хэрэгслийн техникийн байдлыг оношлох, засвар үйлчилгээ хийх талаар өндөр ур чадвар, дадлага туршлагатай, засвар, үйлчилгээний тоног төхөөрөмж, багаж хэрэгсэл, технологи ажиллагаа, хөдөлмөр хамгаалал, аюулгүй ажиллагааны арга техник, стандарт болон бусад баримт бичгийг судалж мэдсэн байна.

- Засвар, үйлчилгээний механик нь авто тээврийн хэрэгслийн бүх төрлийн хийц загварыг оношилгооны тоног төхөөрөмж ашиглан оношлох, засварлах мэргэжлийн ур чадвар, дадлага туршлагатай, техникч-механикч мэргэжилтэй, эрхэлсэн ажлынхаа чиглэлээр мэргэшүүлэх сургалтад хамрагдсан, засвар, үйлчилгээний тоног төхөөрөмж, багаж хэрэгсэл, технологи ажиллагаа, хөдөлмөр хамгаалал, аюулгүй ажиллагааны арга техник, стандарт болон бусад баримт бичгийг судалж мэдсэн байна.

-Засвар, үйлчилгээний засварчин нь автотээврийн мэргэжлийн сургалтын болон авто үйлчилгээний төрөлжсөн мэргэшүүлэх сургалтанд хамрагдсан,

засвар, үйлчилгээний тоног төхөөрөмж, багаж хэрэгслийг бүрэн эзэмшсэн, засварын технологи ажиллагаа, технологийн картыг судалж мэдсэн, хөдөлмөр хамгаалал, аюулгүй ажиллагааны арга техникт суралцаж дадлагажсан байна.

-Засвар, үйлчилгээний гагнуурчин нь автотээврийн хэрэгслийн бүх төрлийн хийц загвар, агрегат, эд ангийг цахилгаан, хийн болон бусад төрлийн гагнуураар гагнах мэргэжлийн ур чадвар, дадлага туршлага эзэмшсэн, автотээврийн мэргэжлийн сургалтын болон авто үйлчилгээний төрөлжсөн мэргэшүүлэх сургалтад хамрагдсан, хөдөлмөр хамгаалал, аюулгүй ажиллагааны арга техникт суралцаж дадлагажсан байна.

Автомашин сэлбэг, хэрэгсэл, тосолгооны болон ашиглалтын бусад материалын борлуулалтын ажилтан нь автотээврийн мэргэжлийн сургалтын болон авто үйлчилгээний төрөлжсөн мэргэшүүлэх сургалтад хамрагдсан, борлуулж буй сэлбэг, хэрэгслийн талаар бүрэн мэдлэгтэй, үйлчлүүлэгчид мэргэжлийн зөвлөгөө өгөх чадвартай байна.

Хаяг: Улаанбаатар хот, Чингэлтэй дүүрэг, 4 дүгээр хороо, Бага тойруу 15, Нийслэлийн захиргааны IV байр

Нийтийн тээврийн үйлчилгээний газрын Ачаа тээвэр, авто үйлчилгээний хэлтэс

Утас: 323629

Веб хаяг: <http://transport.ub.gov.mn>

НИЙСЛЭЛИЙН ХЭРЭГЖҮҮЛЭГЧ АГЕНТЛАГ
НИЙТИЙН ТЭЭВРИЙН ҮЙЛЧИЛГЭЭНИЙ ГАЗАР



**АВТО ҮЙЛЧИЛГЭЭНИЙ ТАЛААРХ
ЗӨВЛӨМЖ**

Улаанбаатар хот 2020 он

Авто үйлчилгээний талаарх зөвлөмж

“Автотээврийн тухай” хууль, “Авто үйлчилгээ - Ангилал, Ерөнхий шаардлага” MNS 5025:2010, “Автомашин угаалгын үйлчилгээ. Ангилал, Ерөнхий шаардлага” MNS 5347:2003, “Автозогсоол. Ангилал ба ерөнхий шаардлага” MNS 5342:2007 улсын стандартад заасан нөхцөл шаардлагад нийцүүлэн гүйцэтгэнэ.

Авто үйлчилгээний байгууллага нь дараахь эрх, үүрэгтэй:

-Эрх бүхий байгууллагаар ангиллаа тогтоолгох;

-Өөрийн ангилалд нийцүүлэн үйл ажиллагаа явуулах;

-Тухайн жилд үйлчлүүлсэн хэрэглэгчдийн талаарх судалгааг тогтоосон журмын дагуу автотээврийн асуудал эрхэлсэн төрийн захиргааны төв байгууллагад гаргаж өгөх;

-Хэрэглэгчдэд үнэн бодит мэдээлэл өгөх;

-Авто үйлчилгээний бүтээгдэхүүний үнэ тарифыг тогтоох;

Авто үйлчилгээнд тавигдах шаардлагыг хангасан иргэн авто үйлчилгээ эрхэлж болно.

Авто үйлчилгээний байгууллагын ангилал:

Автоүйлчилгээний байгууллагыг ажил, үйлчилгээний төрөл, хэлбэрээс нь хамааруулж **А, В, С** гэсэн гурван хүрээнд ангилна. Үүнд:

1. Автомашин хөдөлгөөний аюулгүй байдлыг хангахтай холбоотой агрегат, зангилаа, механизм /явах анги, тоормос, жолоо, гэрэлтүүлэг, дохиолол систем гэх мэт/-ын иж бүрэн засвар, үйлчилгээ, оношлогоо хийх чиглэлээр ажиллаж буй авто үйлчилгээний байгууллага нь **“А”** хүрээнд хамаарах;

2. Хүн ам, байгаль орчинд сөрөг нөлөө үзүүлэхтэй холбоотой агрегат, зангилаа /хөдөлгүүр, хүч дамжуулах анги, кузов засвар, автомашин угаалга,

явуулын болон дуудлагын үйлчилгээ, оёдол, доторлогоо, засвар, үйлчилгээ, оношлогоо гэх мэт/ иж бүрнээр гүйцэтгэх чиглэлээр ажиллаж буй авто үйлчилгээний байгууллага нь **“В”** хүрээнд хамаарах;

3.Автомашин, сэлбэг худалдах, авто бирж, автотехникийн зах ажиллуулах, сэлбэг хэрэгсэл, тосолгооны болон ашиглалтын бусад материалаар хангах, цэнэглэх, авто зогсоол зэрэг үйлчилгээ эрхлэх чиглэлээр ажиллаж буй авто үйлчилгээний байгууллага нь **“С”** хүрээнд хамаарах;

Авто үйлчилгээний нэр төрөл, барилга, байгууламж, тоног төхөөрөмж, мэргэжлийн боловсон хүчин, санхүү, эдийн, эдийн засгийн чадавхи, сэлбэг хэрэгслийн хангамж, баталгаат байдал, чанарын түвшин, үйлчилгээний цогц байдал зэрэг үзүүлэлтүүдийг харгалзан хүрээ тус бүрийг дотор нь /А1, А2, А3; В1, В2, В3; С1, С2, С3/ гэсэн 3 ангилалд /зэрэглэл/ хуваана.

Авто үйлчилгээний байгууллагад тавих ерөнхий шаардлага:

-Нутаг дэвсгэрийнхээ бүртгэх байгууллагад тогтоосон журмын дагуу бүртгүүлж, улсын бүртгэлийн гэрчилгээ авсан, эрхлэх ажил, үйлчилгээний нэр төрөл, үйл ажиллагааг тодорхой заасан байх.

-Эрхлэх ажил, үйлчилгээ нь хүрээлэн байгаа орчин, оршин суугчдад сөрөг нөлөөлөл үзүүлэхгүй, галын болон аюулгүй ажиллагааны шаардлага хангасан, хөдөлмөрийн эрүүл ахуй, тав тухтай ажиллах орчин нөхцлийг бүрдүүлсэн байх.

-Техникийн аюулгүй ажиллагаа, үйлчилгээний соёл, ариун цэвэр, эрүүл ахуй, хөдөлмөр хамгааллын заавар, журам тогтоож мөрдүүлсэн байх.

-Авто үйлчилгээ эрхлэгч нь үйлдвэрлэл, үйлчилгээний зориулалтын барилга байгууламж, зогсоол талбай, техноологийн тоног төхөөрөмж, багаж хэрэгсэлтэй байна.

Үйлдвэрлэл, үйлчилгээний барилга байгууламжид тавих шаардлага:

-Үйлдвэрлэл, үйлчилгээний барилга, байгууламж түүний инженерийн шугам сүлжээ нь авто үйлчилгээний үйлдвэрлэл, үйлчилгээг явуулахад зайлшгүй шаардлагатай БНБД31-03-03 “Олон нийт, иргэний барилга”, БНБД31-04-06 “Хот суурины гудамж талбайн төлөвлөлт”-д заасан норматив шаардлагыг хангасан, хөдөлгүүрийн ажилласан хийг зайлуулах, агааржуулах, гэрэлтүүлэх, дулаацуулах систем, галын аюулгүйн багаж хэрэгслээр бүрэн хангагдсан, тэдгээр нь хэвийн ажиллагаатай байна.

- Галын аюулгүйн шаардлагыг бүрэн хангаж, эрүүл ахуй, ариун цэврийн шаардлагын дагуу цэвэр, бохир усны системд холбогдсон эсвэл тусгай байгууламжтай байна.

- Ажилчдын хувцас солих болон амрах байр, бие засах, гар угаах газартай байна.

Зогсоол талбайд тавих шаардлага:

огсоол талбай нь MNS 5342: 2007 стандарт, автотээврийн ажил, үйлчилгээ явуулах барилга байгууламж нь БНБД31-03-03, БНБД31-04-06 норм дүрмийн шаардлагын дагуу автомашин тавихад зориулж тэгшилж цардсан байна.

-Автотээврийн ажил үйлчилгээ явуулах барилга байгууламж БНБД31-03-03 “Олон нийт, иргэний барилга”, БНБД31-04-06 “Хот суурины гудамж талбайн төлөвлөлт”-д заасан норматив шаардлагын дагуу хөдөлгөөний аюулгүй байдлыг хангасан автомашины болон явган хүний замтай байна.

-Автотээврийн хэрэгсэл байрлах зогсоолын байрлалыг цагаан зураасаар, аюулгүйн тэмдэглэгээг шар зураасаар тэмдэглэж, зориулалтын зогсоолоос бусад газарт автотээврийн хэрэгсэл байрлуулахыг хориглоно.